

R E C L A M O

POR NIEVES-LUCIA DUESO LASCORZ

"Ta una moncha del Somontano oscense del canto de sierra Guara. De la C. de Santa Ana y, que, con una salú mediana, va s'tare superiora cheneral, 34 añadas".

*Madre Pabla... Valiente.
Dame la man.
Yay veces
que paix que no voy a podére
dare un paso más.
Cuan se ye floixis...
M'acuerdo de tú, porque...
tú tamién en yerás, de salú.
Y... Dispués... Ni es tozals
habrían puisto con tú.
Oh, la tuya raza.
La tuya raza aragonesa.
Farta d'apencare, de sufrire.
¡Pero nunca farta de fére bien...!*

*Dame la man.
Tiengo que mirare
d'avanzare, como sía.*

Madre Pabla,
 t'he quiesta gritare
 porque me fa goy
 la tuya'ntereza.
 A tú no te feban reblare
 ni es uns ni es atos.

Yeras, como la raíz d'Aragón.
 Ta buscare el bien
 caminabas al drecho
 y cosa te paraba...
 Com'un lit cuan s'estalapiza
 per es cillos en t'abaixo.

Dame la man
 ta marchare, segura como tú.

Si tornases ahora...
 Per un láu t'en redirías.
 Pero per atro
 te fartarías de plorare.
 Te farían redire
 ixas prisas
 qu'afuegan a toz.
 Ixe correre
 ta allegare es primés
 ta garra cabo.
 Ixe no dormire ni sosegare,
 per fére más cosas.
 Per fére ixas perras
 que dispués deixarán estare,
 Porque naide ha tornáu
 a scane garra,
 des que s'en ha dido.
 Tú, que ya's feto'l camín,
 ten redirías,
 porque'l vas pasare con menos.
 Y, el vas pasare bien,
 porque vas trovare
 la clau
 de lo prencipal;

*y vas deixare
a un lau,
lo que no ye menistére.*

*Ta ixo si que te
tiengo que gritare.
Ta que me léves
per las cosas
que l'on valen
y me fayas deixare
las que no son ná...*

*Y, a yo me paix
que plorarías a sabelo,
si tornases y viéses
aquél Aragón tuyo,
cuasi desfeto.
Toda la chen, a bulligóns
per algúns puestos.
Com'ixa Zaragoza graniza...
y nueva.
Y, no trovare un alma,
per es lugás.
Con las ilesias solas
que s'acaban de cayére,
es campos mustios.
Las escuelas sin críos...
Si acaso...
bel güelo que l'aspantau
marchare a deixare
es güesos p'el mundo
y, s'estima más,
deixalos podrecére
con es atos de casa,
aunque sían sólos...
Y, es ríos de per alto,
plenizos d'augua,
perdida la metá
per no replegala
como ye menistére.*

*Y, la tierra baixa,
muerta de sé
per güena cosa puestas...
Y, es lugás de las sierras
u muertos,
u, con cuatro güelos,
perque es chovens,
no y quieren parare,
perque no les y dan lo que faría falta.
Es campos n'os quiere dengún.
Y, d'antes,
es habrían quiesto toz.
¿Ye que d'aquí'n ta deván
en la capital
se y fará'l trigo
y las güellas
comerán asfalto?
Con tantos inventos,
bien pueda sé
qu'el consigan.
¿Qui'l sabe?
Pero yo, te grito
ta decite
siempre lo mismo:
Dame la man
ta podére avanzáre
y no recular.
Dame la man
ta dire fendo
ixe Aragón gran,
que tú habrías quiesto.
Si no me la das
si qu'el farén gran,
pero de miseria.
Per ixo te grito,
perque ya no'n queda
güeires como tú.
Pueda sé, que, garra.*

*Dame la man,
que farén baixare
Lardana t'al Ebro
con tal d'avanzare.
Que no nos podén
adormire;
que yay que peliare
y, fer es esfuerzos que sían.*

*Anque en ixo
y deixasen la sangre.
Como la y vas deixare
tú misma.*

*Dame la man,
que yay qu'avanzare.*